

DISCURSUS JURIDICUS,  
DE  
P O S T I S,

*Quem*  
Divinâ assidente Clementiâ,  
Indultu Magnifici Jſtorum Salanorum Ordinis,

P R Æ S I D E  
V I R O

P R Æ N O B I L I S S I M O , A M P L I S S I M O , E X C E L L E N -  
T I S S I M O A C C O N S U L T I S S I M O

N. JOH. VOLK. *Beßmann* /  
TO FAMIGERATISSIMO, ANTECESSO-  
CELEBERRIMO, CONSILIARIO SAXONICO, CU-  
RIÆ PROVINCIALIS, SCABINATUS ET FACUL-  
TATIS ASSESSORE GRAVISSIMO,  
I. PATRONO, DOCTORE ET HOSPITE  
I N Æ T E R N O H O N O R I S E T V E N E R A T I O N I S C U L -  
T U P R O S E Q U E N D O , E X C I P I E N D O ,

publicè ventilandum proponit,

W I L H E L M R O M A N U S ,

L I C H T E N S T E I N E N S . A U T O R .

In Auditorio Jſtorum.

Ad diem Julii.



J E N Æ ,  
Typis SAMUELIS KRESSIL  
ANNO M D C L X I V .



I. N. S. S. E. I. T. A.

## P R Æ F A M E N.



Quantum momenti olim in tabelliones publicos veneranda posuerit antiquitas, in vulgus notum est, nec puto, cur à me deducatur hâc vice operosius. Noverat quippe egregium illud, quod in Rempubl. inde redundabat emolumentum, ideoque, ut tantò feliciore fatò negotia eorundem succederent, Mercurium illorum Deum constituiebant, & tabelliones omnes, non sine insigni cæcitatìs Ethnicæ argumento, hujus subijciebant caduceo. Quantumvis verò saniora nostra tempora tali cæcitate oculos nobis ita exuerint, ut tanti non æstimemus tabelliones ulterius, eorumque causâs peculiare extollamus Deos, nihilo tamen minus hæc illorum est hodiernâ ætate dignitas, ut Imperator Jus illos constituendi suis annumeret Reservatis. Materiz hujus igitur nobilitate motus in animum induxi, Discursum quendam de Postis conscribere, ea methodò, ut totus hic Discursus in quatuor discescat Sectiones, earumque prima præcognita quædam de Postis, alterâ postas ipsas in genere consideratas, tertiâ literas, quæ postarum sunt objectum, & quartâ tandem personas, per quas exercentur, in sese contineat. Quod ipsum ut ex vo-

et succedat, ardentissimis supremum in coelis Numen in-  
voce precibus.

## SECTIO I.

### CAP. I.

DE

## Vocis Etymologia, Homo- nymia, & Synonymia.

§. 1.

**E**legantè admodum non Philosophus solum *lib. 1. Eth. 7. & 8. sed & Jctus l. 2. re 1. in pr. ff. de reb. cred.* monent, ut priusquam ad rem ipsam accessus fuit, accurata nominis consideratio præmitti debeat. Horum igitur dicto audiens, de voce *Posta*, quæ & Hispanis usitata fertur, noto, quod commodè à latino vocabulo posita elisè i & subintellectà voce statio, quæ per *l. si cui 13. in fin. ff. de usufr.* locum significat, ubi homines aut jumenta quiescunt, Germ. *Wahstatt* deduci possit. Cujus quidem ratio hæc est, quod certa & destinata cursores stativa habeant, ubi requiescunt ab itinere, & in novos sese trajiunt equos.

§. 2. Significationes habet varias, 1. enim denotat cursores, *Einem Postbothen*, 2. equum, *Ein Postpferd*. 3. Stativa, *ein Posthaus*. 4. Jus, *das Postrecht*. 5. ipsum officium sive rem cursoriam.

§. 3. Aliis nominibus diversis denotatur *posta*, & 1. quidem dicitur cursus publicus, *rubr. C. de curs. publ.* Inter quem tamen & postam hoc discriminis ponit *Klokk. de contrib. cap. 2. n. 26. p. 45.* ut equos cursui publico destinatos Princeps olim propriis aluerit sumptibus, & nemini nisi licentia à superiori concessa, iis usi licuerit, *hodie* verò

verò Regale istud à privatis privatorum sumptibus exerceatur, licentiâ à Principe legitimò modo impetrata. 2. Evectio in l. Quicumque 2. de commentu. 3. Cursores. 4. Stationes. 5. Equi publici. Nov. 30. c. 1. § 7. 6. veredi l. in omnibus 7. C. de cursu publ. 7. Angaria, gl. ad l. unum 18. §. cursus 4. ff. de mun. & honor.

## SECTION II.

### CAP. I.

D 8

## Postarum Origine, Definitione, Distinctione & Institutione.

§. 1.

**P**ostarum præcognitis dispiciendum ulterius est, ex quo Jure postæ fluant. Fluunt hæc ex Jure Gentium, & eò quidem secundariò; Etenim cum rerum dominia distinguerentur, efflorescerent commercia, & introducerentur contractus, §. sed jura 2. l. d. J. N. G. C. l. ex hoc 5. ff. de J. J. magna locorum distantia impedimentum sæpè iisdem injiciebat, idè corticibus iniud, aut foliis utebantur, impressisque stylò litteris complicabant aut componebant istas artificiosè, & mittebant cui intererat per homines, qui tabelliones vocabantur, à tabulis quas ferebant, sed privati hi erant, non publici, privatis saltim destinati commodis. Deinde verò Cyrum, Persarum Regem, velocissimos quosdam constituisse, qui mutatis sæpius equis remotissima pervolantes loca, expiscarentur ab incolis nova, de iisdemque brevi tempore, certiores facerent, refert *Linnæus lib. 2. J. P. cap. 9. m. 13 4. sub sign. \**, & rejicitur hæc institutio per Tacit. in Annum ante Chr. N. 500. Hujus (foran) ad

exemplum Octav. August. in Imperio Romano instituit  
cursores ob causam eandem, quam Cyrus, id quod innu-  
unt verba *Suet. in vitâ ejus*, quò celerius, inquiring, ac sub  
manu enunciari cognoscique posset, quid in Provincia  
ageretur, juvenes modicis primò intervallis, per milita-  
res vias, dehinc vehiculò disposuit. Successu verò tem-  
poris ab Imperatoribus peculiares LL. de cursu publico,  
quem postam nostri appellant, fuerunt latæ, quæ patent  
ex *tot. tit. C. de curs. publ.* hodieque adhuc non rarò in  
Comitiis Imperii ferri solent, propter unicum Reipubl.  
emolumentum. *N. A. zu Nürnberg de Anno 1522. §. 12. ist  
bedacht/ & seqq.* & hæc de origine postarum.

§. 2. Definiuntur postæ, quod sint Jus Majestatis rea-  
le, cursus publicos ordinarios & extraordinarios institu-  
endi. *Lud. von Hornig. de Reg. Post. Jur.* Cujus Defini-  
tionis ulteriorem explicationem suppeditabunt in-  
feriora.

§. 3. Distinguantur postæ in Generales, quæ & Im-  
periales dicuntur, & Speciales, hæc iterum sunt vel Pro-  
vinciarum, vel Civitatum, civitatum vel Imperialium,  
vel municipalium, omnes sunt vel ordinariæ, vel extra-  
ordinariæ.

§. 4. Postas tales instituire nemo potest, nisi qui pol-  
leat Majestate, & neminem recognoscat superiorem. Ex  
quo inferunt, quod in Imper. Rom. Imperator saltim Ro-  
mano-Germ. instituire postas generales possit. Reliqui  
Principes Juribus Majestatis gaudentes particulares san-  
tùm constituunt, sicuti & Civitates Imperiales. Ratio est  
hæc, quod omnes illi habeant Jura Majestatis, quibus  
cum destitutæ sint Civitates municipales, nec eorum ta-  
belliones, quos privatâ Reipubl. causâ ad hunc vel illum  
locum mittunt, dici poterunt *Posten/ sed Stadt-Posten/*  
nisi

292  
nisi vocabulò postarum abuti velis. Hoc Cæsareum verò  
postas generales constituendi Regale tanti est pretii, ut  
nemini hoc Imperator concedat. Hinc factum est, ut  
cum Anno 1579. Dux quidam Germaniz postas generales  
in Belgium & Italiam disposuisset, ab Imperatore R. hoc  
ipsum severè interdictum fuerit, idque pro tuitione Ju-  
ris sui Regalis, referente *Clapmar. de Arcan. Rerum publ.*  
*lib. 1. cap. 21. circa fin. & Limnao lib. 1. J. P. cap. 9. n. 133.*

## CAP. II.

D E

### Postarum Modis, Uti- litate & Acquisitione.

§. I.

**C**ursus publicus, sive Postz, quadruplici modò hodie, pro cujusvis loci conditione, fiunt, aut pedibus,  
aut equò, aut curru, aut navigiò.

§. 2. Utilitas postarum est varia, inter alias verò, ut  
de iis, quæ ab hostibus, vel aliis exteris populis, geruntur,  
certiores fiant Principes, suæque semper ita dirigant  
consilia, ut ne sibi Exterorum intertrimentum aliquod  
afferat, aut inurat, quod tamen nisi postarum ipsi inter-  
viret usus, vix aut difficulter saltem, & non sine maximis  
sumptibus, consequi possent. Deinde & Legatis utilita-  
tem non exiguam præstant postz, ita quidem ut Mitten-  
tes de Legatorum Expeditione, Hi de illorum voluntate  
& rerum momentis, citò ad colophonem perducendis,  
reddantur certiores. *N. N. zu Speyer / de Anno 1542. §.*  
*Und damit man auch jederzeit, N. N. zu Nürnberg de An-*  
*no 1522 §. Item ist bedacht / & N. N. zu Eslingen de Anno*  
*1526. §. Und nach dem Keyserl. Majestät, 3. Paucis. Ho-*  
*rum*

rum adminiculū expediri omnes res feliciter & tutius  
possunt, quod alias vix futurum confido. Promoveantur  
egregie commercia *Limmas J. P. l. i. c. p.* cambia debito  
solutionis tempore effectu fruuntur, iisdemque egentes  
peregrini adjuvantur mirè. Et quis omnes utilitates  
hic enumeraret? Quas ipsas cum perspectas haberent  
Electores & Status Imperii suppliciter conveniebant  
Anno 1570. Maximilianum II. Das Postwesen beym Reich  
zu erhalten/ denn Ihre Keyserl. Majestät wäre es auch  
Amtes und Pflichten halber/ als ein Vreher des Reiches/ zu  
sein schuldig/ und könten es den Nachfahren zum präju-  
dicio in frembde Hände nicht kommen lassen.

§ 3. Acquirere Postarum Exercitium quis potest, vel  
concessione, vel prescriptione. Dico quod Exercitium  
postarum acquirere possit, non ipsum Jus, siquidem *ex*  
*Sixtin. lib. 1. c. 5. n. 4. de Reg. apparet*, Principem, quamvis  
velit, non tamen supremam in alium transferre pote-  
statem posse. Quid autem concessione possit acqui-  
rere, probò *per c. super quibusdam §. praterea de V. S.* Con-  
cessio hæc fit dupliciter, vel per Privilegium, vel per in-  
vestituram, Privilegium conceditur vel cum lege, vel  
sine lege. Cum lege, v. g. uti Electores ex A. B. habent  
Jus tolerandi Judæos. Sine lege quid sit, per se patet.  
Concessio verò per investituram, sive infeudationem,  
quomodo procedat, videatur *Sixtin. d. l. n. 30.* & aliquot  
segg. multis. Acquiritur ulterius exercitium postarum  
Jure Prescriptionis *d. c. super quibusdam §. praterea de V. S.*  
Quamvis verò in prescriptionibus aliis longius tempus  
20. annorum putetur *Pr. Jure Civili l. de usuc. peculiare*  
tamen aliquid obtinet in Regal. contra supremum Prin-  
cipem acquirendis, ut statuit *Id. communiter, quos vid.*  
*apud Sixtin. d. l. n. 136.* immemorabile constituentes aptum  
his




his contra Principem Præscriptionibus tempus. Et sic paucis etiam modos acquirendi postarum exercitium delibasse sufficiat.

### SECTIO III.

DE

## Literis.

§. I.

 Bjectum circa quod versantur postæ sunt literæ, germ. eas dicimus *Briefe* / quasi breves *Befold*. *Tbes. Pr. sub voce Briefe*. Circa has notanda duo: 1. Locus unde veniunt, 2. Earum inviolabilitas. Locus à quo veniunt est duplex, vel enim laborat morbis contagiosis, vel non laborat. Posteriori casu res salva est. Priori non utique. Etenim cum omnes res, prout Medici statuunt, putredini, obnoxie veneni sint capaces, facile fieri potest, ut per literas ejusmodi filis linteis involutas transplantetur in urbem aliam contagio. Quæritur itaque quid hic consilii? Laudat prudentissimum Venetorum hæc in re institutum *Lud. von Hornigt cap. 13. theor. 21. in fin.* qui nullas aliunde venientes literas, siquidem de contagione periculum est, inferri Civitati patiuntur, nisi & chartis augustis, germ. *Postpapper*, inscriptæ sint, & ferreis implicate filis. Institutum sanè laude dignissimum, quod ut in alias recipiatur Civitates, meretur egregiè? Charta proin illa, de qua locutus sum, non debet esse bibula, quæ multas attrahit humiditates, nec densa, siquidem & hæc tales fovet, sed laxigata, sicca & tenuis, quæ nullos intrmittere humores assolet. Et cursori præterea invigilandum, ut, quamvis, unde exivit, civitas tali non pressa sit contagione, ne in alia in itinere præter-

B

eunda

eunda incidat loca, quæ ex eo, quod timet, laborant.

§. 2. Secundum, quod notandum circa literas, est earum inviolabilitas. Cùm verò suprà consulto omiſſa fuerit quæſtio: An etiam cursores hostium territoria pervagari liberè possint? Hoc loco eam proponimus, & resp. quod sit distinguendum, aut enim hæc de re specialiter convenerunt, aut non convenerunt partes, si convenerunt, merito ipsorum pactus est standum. *l. i. ff. de Pactis*. Sin minus vix liberè & inviolati transire poterunt, quidquid in contrarium statuat Lud. von Hornigt *cap. 10. theor. 2.* ideoque fortè quis non prorsus indistinctè improbaret institutum Axelii Oxenstirn, Cancellarii Sveciæ, qui dum in Germania ageretur, prohibuit, ne tolleretur cursor alius publicus, verba interdicti sunt hæc: Und denn sollen sie / die geschwornen Schwedischen Posthalter / fleißig acht haben / daß keine Feindes Posten oder Currier bey ihren Post-Häusern weder heimlich noch öffentlich passieren / sondern daß sie entdeckt und angehalten werden mögen. Licetne ergò Generali Exercitus Ducis literas hostis aperire? Resp. quod maximà hic cautela opus sit. Aut enim, periculum est de detectione Arcanorum ex utraque parte consiliorum, aut non est. Priori casu, quin liceat, dubium non est, posteriori maximum. Nec enim si tales non esse novit literas, quæ intertrimentum sibi, & emolumentum hosti adferre queant, jure aperire potest, quod si verò aperuerit, nec, quod speraverat, invenerit, tunc, ut solus literas legat, & suo obſignet denud sigillo, ipsi incumbere plerique statuunt. Quod si verò minoris conditionis sigilla violet, Reſſionatus reuerit, ut dictum suprà.

## SECTIO

292

SECTIO IV.

DE

PERSONIS EXERCENTIBUS POSTAS.

CAP. I.

DE

Persona protegente

Postas & earum Directore.

§. 1.

**U**ter alia Privilegia, quibus Elector Moguntinus pollet, non ultimum sibi locum vendicat illud, quò sicuti Elector Trevirensis per Galliam & Regnum Arelatense, itemque Elector Coloniensis per Italiam, Ille ArchiCancellatui per Germaniam præsit. Ex hoc Moguntini ArchiCancellariatús Privilegio alia non parvi momenti plura resultant, v.g. ut Imperiò vacante Capitulum sive Collegium Electorum convocare *d. A. B. cap. 1. §. 19. c. 4. §. 2.* convocatis & comparentibus illis formam juramenti dare debeat *d. A. B. cap. 2. in pr. Limanus de J. P. lib. 3. cap. 3. n. 3.* ubi videri poterunt plura. Ex quibus omnibus unicum hoc ad nostrum scopum facit, quod scilicet eòdem ArchiCancellariatús Jure Protectio postarum in Imperio generalium illi incumbat, id quod ipse fateatur in literis quibusdam ad S. Cæs. Maj. 27. Jul. 1627. datis, quas habet Lud. von Hornig *de Jur. Post. cap. 4. Theor. 2. n. 2. pag. 75.* & ita se habent: Dieweil aber derselben allergnädigst bewußt, daß Sie und Ihre Lobsfleißigen Vorfahrer Römische Könige und Keyser, Wir und meinen löblichen

nichen Antecessorn/ Bischöffen und Churfürsten zu  
 Maynz/ als Erzbischöffen in Teutschland das Regal/ und  
 Protection über das Post Wesen im H. Röm. Reich/ und  
 was dem anhängig/ allergnädigst anbefohlen 2c. Notanter  
 dixi, quod habeat Protectionem, non omnimodam Dis-  
 positionem, quā qui præditus sit §. sequenti uberius di-  
 cetur. Protectionis autem hujus, quam subit Moguntinus,  
 in quo constat officium ipsa denominatio præ se  
 fert, nec è re duco multa de isthoc conscribere. Cui ipsi  
 Protectionis Juri non præjudicant literæ, quas S. Cæs.  
 Maj. Wien vom 7. Jun. 1644. und Preßburg vom 21. Febr.  
 1647. ad Senatum Noribergensem dedit, & videri possunt  
*apud Lud. von Hornigst cap. 6. theor. 7. n. 4. p. 209.* Etenim  
 oneraverat Senatus Noricus eodem tempore Postarum  
 Præfectum collectis, Præfectus ita pressus commune Pra-  
 cticorum theorema observabat: Actor sequitur forum  
 rei, ideoque conveniebat Senatum jam dictum coram  
 Imperatore Romano, & mandata impetrabat inhibitoria,  
 ex fundamento jam allato. Et hæc de Persona Pro-  
 tegente.

§. 2. Consequens nunc erit, ut etiam de Directore  
 Postarum Generali quædam huic inferamus capituli. Di-  
 rectores autem in Imperio Romano hodie sunt duo, al-  
 ter Imperii, alter Regiæ & Archiducalis aulæ. Prior  
 germ. dicitur: *General-Reichs-Post-Weister*/ Posterior:  
*Obrister Erb. Land. Hof-Post-Weister.* Uterque de Re-  
 gali hoc specialiter est investitus. Et Generalem quidem  
 Postarum Imperialium præfecturam subit illustris Co-  
 mitus de Taxis, sive Taxis, familia, Regiæ vero & Archi-  
 ducalis per Hungariam, Bohemiam, & Archiducatum,  
 Austriam hodie illustrium Comitum de Paar *jum Krot-  
 ten*

295  
tenſum / de quo quidem poſteriori nulla nobis in præſenti reſ eſt, agemus itaque ſaltem de priori.

§. 3. Eſt ille, ut jam dictum, ex familia illuſtrium Comitum de Taxis, hodiè Lamoralis Claudius Franciſcus, Patre natus Leonhardo, matre Alexandrinà de Rye, Ejusdemque officium in eo conſiſtit, ut recognoſcat Dominum Feudi S. Cæſ. Majeſtatem. 2. Moguntinum Proteſtorem. 3. Ut in conſtituendis propriis ſumtibus & veterum & novarum poſtarum germ. Poſtämëtter / Præſectis ſingularem adhibeat curam. Ex quo ſuit, quod, quamvis Poſtarum Proteſtor ſit Moguntinus, ille tamen novos in Imperio Præſectos conſtituere non poſſit. Hinc reſert Lud. von Hornigt *de Jur. Poſt.* quod, cum aliquis enixè rogäſſet Elect. Moguntinum, ut filium ſuum ad officium Hambugenſis Præſectura promoveret, apertè ſallus fuerit, literis Moguntia 27. Jan. 1641. datis, ſe id præſtare non poſſe, nec permiſſuram S. Cæſ. Majeſtatem. Cujus ipſius hæc ſola eſt ratio, quod teneatur generales Imperii poſtas propriis ſuſtentare ſumtibus, conducit itaque præſectos particulares, per eosdemque adminiſtrat jam dictas poſtas, directorio tamen plenò & diſpoſitione ſemper apud ſe remanente. Ne tamen tales fructu impendat commodo publico ſumtus, recreationis loco licitum illi eſt, taxam ſive mercedem pro transportandis huc vel illuc literis poſtulare. Et ne ultra modum imponatur merces, coactus fuit ſuprà laudatus Comes de Taxis per reverſalia, quæ habet Lud. von Hornigt *c. 6. theor. 1. n. 3. p. m. 62.* promittere, ſe uſtarum hætenus morem non tranſgreſſurum. 4. Tenetur gratis ſtaſſetas, vulgò literas Imperatoris Extraordinarias, Archi- & Vice-Cancellariorum, Imperii Conſiliariorum, aliorumque

officialium majorum non solum ab ipsis scriptas, sed & ad se pertinentes expedire, de quibus omnibus videantur plura in dictis Reverſalibus. Nec est cur Domus Burgundica de hoc Directionis Jure gloriatur, siquidem hæctenus non fuit originaliter productum. *Klokk.com. 1716. cap. 2. n. 30.*

## CAP. II.

DE

### Postarum Præfectis, Cur- soribus & eorum Officio.

§. 1.

CONſideratis in cap. anteced. Protectore, & Directore Postarum Generalibus, ordinis ratio exigit, ut descendamus jam ad particulares Postarum Præfectos, germ. *Postmeister*. Hi, qui idco, quod Cursores germ. *Postbothen/Postreuter/Postillionen* subjectos habent, Præfecti dicuntur, constituunturque præmissò fidelitatis juramento à Generali Directore Postarum, Comite de Taxis certà conducti mercede. Fidelitas illa consistit 1. in laboriositate, indefessum scilicet expediendis accuratè literis laborem adhibere debet, ut nimirum exactum omnium epistolarum, quæ apportantur & transportantur aliorum, eorumque nomina, ad quas spectant, elenchum componat, nomina nescientium epistolas ad se spectantes adesse chartulæ inscribat, publico loco eandem affigat, quod si nondum sint, qui postulent, habitaacula eorum inquirat, & cum non rarò tanti sint ponderis literæ, ut vel unicum, quò retinentur supra tempus momentum non leve adferre intertrinitum possit, illis transmittat. 2. in sinceritate, dolum quippe odio habeat, & amori

& amoris sinceritatem in omnibus, quæ officii ratio iungit. Ex hoc sinceritatis vel fidelitatis potius amore fuit, ut ne alienas concreditas sibi literas aperiat. Quod si secus fecerit, gravissimo excipitur supplicio. Quo tamen in passu distinguendos esse casus autumo. Etenim si aperiat literas, easque legat solus & nemini ostendat alii, stellionatus poenâ plectitur *D. Hôping. de Jur. Sigill. cap. 14. n. 51. conf. l. quid ergo 13. §. ult. ff. de his, qui not. infamia.* Quod si verò literas Principis aperiat, Crimen læzæ Majestatis incurrit, si aperiat inferioris & demonstrat alteri, crimen falsi, ejusdemque poenâ afficitur. Si inclusum sit literis aurum & argentum aut alia pretiosa, eaque eximat, tenetur actione furti. Observandæ tamen & hic circumstantiæ 1. enim manifesta debet esse contrectatio. *l. 3. §. si rem ff. de acquir. possess.* 2. eaque fraudulosa. *l. furtum ff. de usucap.* 3. non sola cogitatio. *l. 1. §. sola ff. de acquir. poss.* 4. lucri faciendicautâ *d. l. 1. §. eodem.* Sincerus præterea ita erit, ut ne incurrat crimen proditiōis, ejusdemque poenam. Hæc autem proditio dupliciter procedere potest, 1. quando vel ipse de arcanis & consiliis Imperii certiores facit hostes. 2. quando literas aliorum hosti illa trajicientium sciens promovet. Utroque modò excipitur poena tali crimine digna. Alia verò constituitur à Jure Civili, quod vult ut Proditores, qui secreta nostra hostibus nunciant, aut vivi exurantur, aut suspendantur furcâ, *l. si quis 28. §. transfuga ff. de poen.* Alia von der peinlichen Halsgerichts-Ordnung Keyser Carl des V., ubi hæc reperiuntur verba: Welcher mit böshaffteger Verrätherey mißhandelt/ soll der Gewonheit nach durch Viertelung zum Tode gestraffet werden/ wadere es aber ein Weibesbild/ die soll

soll man erträncken. Und wo solche Verrätherey grossen Schaden und Aergernis bringen möchte / als die / so ein Land/ Stadt/ seine eigenen Herrn/ Bettgenossen/ oder nachgesippen Freund betreffe / so mag die Straffe durch schleiffen oder Zangenreissen gemehret/ und also zu tödlicher Straffe geführt werden. Es möchte auch die Verrätherey also gestalt seyn / man möchte einen solchen Verrätherey erstlich köpfen/ und darnach viertheilen. 3. Nova semper inquirat, ideoque fortè correspondeat eum hostibus, quo tamen in negotio maximà opus erit cautela, ne scil. ut jam dictum, prodicionis notam incurrat. Hinc illud agat, ut frivola semper hostibus annunciet, adhibita excusatione, se in altiora penetrare non potuisse, aut talia, quæ omnibus aliis nota sunt, nec involuta jam silentio, mellitis tamen simul verborum globulis eò pertrahat hostem, ut arcana revelet, Imperio utilia, aut lege silentii, aut promissò, se idem facturum. Nova verò non omnia eliminat, sed quædam pro cujusque rei conditione retineat, aut privarim Principi tantum offerat. 4. æqualitatem servare debet in mercede literaria, & si quæ sunt, quas mittens nomine Francò, vel alio quodam immunitatem significante, notavit, gratis exhibeat. 5. Quantum fieri potest & licet postas augeat, in emolumentum tùm publicum, tùm sui privatum, ideoque ne finem postarum transgrediatur, cispellat legitimis adhibitis remediis postas aut tabelliones clandestinos. Et quæ sunt similia. Hæc de Præfecto, jam ad Cursores.

§. 2. Quemadmodum verò Imperator *sub tit. C. de cursu publico* omnes cursus, fiant vel pedibus, vel equis, vel curru vel navigio, includit, ita & nos per cursores omnes tabelliones, quòcunque modò iter expediant,

intel.



intelligimus. Horum signa, ut ab aliis dignoscantur, sunt varia. Alia autem & his manifesta, alia non-manifesta. Non manifestum signum est *Schedula cursoria*, dicitur *Pestibulum*/ ut officii sui cursorii, aliis de eodem dubitantibus fidem faciant. Manifesta signa sunt 1. *Cornicula*, cujus usus est triplex 1. ut noctu appellentes ad portam tantò citius intromittantur. 2. ut eos, à quibus literas in transitu accipiunt eò facilius expergeficiant. 3. ut si fortassis noctu in erroneas desceant vias, insint corniculas, & hâc occasione proximi pagi canes ad latrandum invitent, eorumque latratu attrahantur ad pagum & ab incolis in rectam diducantur viam. *Corniculam* hanc alii dextro, alii sinistro appendunt lateri. Hi quibus familiaris est *pera literaria*, germ. *Posttasche*/ sinistro, illi, quibus non, dextro, & commodius forsan accommodant, idèd quidem, ut manu dextrâ tanto facilius arripere & applicare labiis corniculam possint. 2. Signum sunt insignia. Imperii *Cursores publici* utuntur insignibus ejusdem urbis, unde veniunt, non ac si potestatem habeat urbis *Senatus* instituire postas, sed quod denotent hòc, se jussu Imperatoris in hoc sese coniecisse iter. Alii *tabelliones Provinciales* & *particulares* appendunt insignia Principis, cui inserviunt, & notandum certè, quod semper pectori sinistro insuta habeant. Cujus rationem aliam penetrare non possum, nisi ne brachio dextro in negotiis injiciatur impedimentum. 3. Signum manifestum cursoribus usitatum est *hasta ferrea induta cuspide*, cujus usus est duplex. Prior ut canes irruentes in se pagum vel civitatem prættereuntes repellant. Posterior, ut fossas vel alia loca aquosa pontibus carentia eò felicius transiliant. Notandum

C

tandum

tandum præterea, quod Imperiales etiam cursores gladiò nunquam cincti incedant, cujus ratio fortassis hæc, quod contra omnem vim externam sint inviolabiles. De quo infra in subleq. cap. pluribus.

§. 3. Præter alia tamen officia, quæ cursoribus cum Præfectis communia sunt, illis incumbit, ut statuto tempore, quod ad iter ipsos vocat, adsint, ne diuturna fortassis mora varia gignat incommoda. 2. ut literas contra tempestatem & corruptelam benè muniant, & sarcinæ cerâ obductæ insuant, eamque 3. benè custodiant. Circa quod quaeritur, quid Juris, si amittat fortuito casu sarcinam literas Imperiales & alias magni momenti in se continentem Cursor? Et resp. quod inventor teneatur eam exhibere inviolatam Domino territorii, in quò invenit, qui postquam certior factus, quorsum pertineat, restituere cursori gratis assolet. 4. In itinere constituti abstineant à computationibus, ne scil. aut præterlapsò dudum statuto tempore præfixum locum tangerent demum, aut aliis sese exponant periculis. 5. literas illicò exhibeant nec ullas nestant moras. 6. æqualitatem in postulanda mercede adhibeant. 7. Balletas, Postgebùl justò tempore exhibeant, sibi que faciant fidem. 8. Die nocteque iter facere pergant, nec somnum magni assument, & ut paucis me expediam, fideles in omnibus sese præbeant negotiis.

### CAP. III.

D 8

## Privilegiis & Præfecto- rum & Curforum.

§. 1. Cum

Cum itaque, ut ex prædictis patet, tantus labor, industria tanta, & similis cura ad exercendum Imperialium postarum negotium requiratur, factum est, ut variis non Præfecti solum sed & Cursores donati fuerint Privilegiis. Quorum quædam sunt & Præfecto & Cursoribus communia, quædam his peculiaris. De quibus ex utraque parte quædam proferre operæ pretium duco. Ex his primum & maximum est, exemptio ex Jurisdictione, ubi habitant, territoriali, nisi habeant bona in eo patrimonialia, & quamvis habeant, subiecti tamen territoriali Jurisdictioni ratione eorum saltem sunt, non ratione Præfecturæ, quam subeunt, sed hujus ratione aliud sortiuntur forum. Sed quaeritur quale, & ubi conveniendus sit Præfectus cum Cursoribus, an coram Comite de Taxis, tanquam Directore, an verò coram Moguntino tanquam Protectore, aut an coram ipso Imperatore? Et resp. quod tres esse videantur instantiæ, prima coram Comite de Taxis, altera coram Moguntino, tertia coram ipso Imperatore. 2. Privilegium est immunitas ab oneribus. *Hornig de Jur. post. cap. 18. tit. 3.* Cum verò munera sint triplicia, alia personalia, alia patrimonialia, alia mixta, i. e. quæ propter patrimonium labore corporis sunt subeunda, quaeritur an ab omnibus immunitatem consequantur? Et resp. quod cum sermo nobis sit de Præfecto & Cursoribus, quæ talibus, non quatenus ratione patrimonii alii magistratui subiecti sunt, de muneribus patrimonialibus & mixtis nullum, quin exempti sint, queat esse dubium, quamvis de personalibus. Personalis hæc munera sunt, quæ cum cor-

peris labore animique sollicitudine & vigilantia principaliter sine rei familiaris damno ac sumtu perficiuntur, *L. ult. ff. de mun. & honor.* Ab his non minus ac patrimonialibus & mixtis immunes esse arbitramur, modò argumentò ductò à minori & majus. Si enim Reip. causa absentes ab ejusmodi muneribus excluduntur, excluduntur & illi, qui occupati adeò sunt Reipublicae, ut respectu aliorum negotiorum abesse penitus videantur, quò eòdem privilegio fruuntur & illi, qui cursorum officia gerunt. *arg. l. 41. §. eorum ff. de Excus. 4.* Nec illos teneri milites in hospitium recipere testatur *alleg. D. Hornigst de Jur. Post. cap. 18. ib. §.* Et hinc de Privilegiis communibus.

§ 2. Privilegia porro, quae cursores habent, primaria sunt sequentia: 1. Ut sint inviolabiles. Quamvis enim securitas & pax publica, hoc requirat ut quilibet in itinere constitutus nullò modò violari debeat, & secus qui fecerit, poenam latrocinii incurrat, cum tamen publici hi cursores auctoritate non privata sed publicà publicorum negotiorum gratia iter hoc suscipiant, *καὶ ἱερὰ* inviolabiles dicuntur ita quidem, ut qui vim illis adhibeat, non latrocinii saltem, sed & criminis laesae Majestatis reus judicetur. *h. j. ff. ad L. Jul. Maj.* Quantumvis autem 2. propter commodum publicum nulla exhibeant cursores vestigalia, nihilò tamen minus 2. magistratus cujusque loci non ratione solum Jurisdictionis, sed & in reverentiam SC. Majestatis securitatem illis prestare & petentibus auxiliatores porrigere manus tenentur. Ex quo immunitatis vestigialis principio fluit & hoc, quod 4. regiam semper obsequiam non sint adstricti, si tamen alias quaerant, quibus

297  
Bus latrones famam dederunt, eosque petant, spoliis cul-  
pam prestare illi tenentur. §. si casu accidat, ut, quod ve-  
hantur, equus vel morbo laborare incipiat, vel prorsus  
moriatur, vel rapiatur ab aliis, ipsi liceat equos, cujus-  
cunque sit, & ubi vis offenderit insilire, & publicis suis  
invigilare negotiis, idque propter utilitatem publicam,  
quod evincunt *l. 15. §. 1. C. 1. ff. R. P.* & quæ privilegia  
sunt passim plurima.

§. 3. Præter cursores hos privilegiati etiam sunt:  
passim in Jure nostro equi, v. g. 1. non fustibus, qui ar-  
mis annumerantur per *l. 14. ff. de V. S.* sed flagellis sunt  
agitandi *l. 1. C. de curs. publ.* quæ lex in secus facientes ar-  
bitrariam constituit pœnam. 2. ipsis ultra 40. aut ad  
summum 50. libræ non sunt imponendæ per speciale  
Imperatoris rescriptum; quod habet Hornigt *d. l. cap.*  
*18. 1b. 72. n. 3. lib. 1.* inter alia hæc etiam reperiuntur  
verba: Und da die Verwilligung erfolgt/ die Koss mie-  
dem Jelleisen/ so über 40/ oder meistens heils 50 Pfunde  
am Gewichte halten sollen/ nicht beschweren/ immgessen/  
den auch die Postverwalter und Knechte solche fort zu füh-  
ren nicht schuldig seyn sollen. 3. Bene nutriendi. *Geldast.*  
*tom. 3. Consist. Imper. 10. p. 30.* 4. Non arrestandi, Hornigt  
*d. l. cap. 18. 1b. 33. 1b. 73.* & si de facto fuit, judicis senten-  
tiæ relaxandi *id. ibi 14.* Quæ etiam de privilegiis  
æquorum dixisse sufficiant.

§. Possere equidem nobilissima hæc de postis mate-  
riæ prolixius proponi verum cum meum non sit hæc tra-  
ctatum sed Disputationem conscribere, ideo  
abrumpo filum & impono

**F I N E M.**

C 3

Roma

**R**oma amor est *capitū* verū, hinc esse  
videris

Dictus *Romanus*, semper quod depe-  
ris artes

Pierias, nostramque Themin. *Vice*-namque  
*secundā*

Hanc animas Cathedram nostram (*me Præside*)  
Juris

Insigni cum laude. Modò sic *currere* perge.

Me Præde accipies netam ex bombyce Tiaram  
Summam, quam noster merito Tibi Sala pa-  
ravit.

*Nobilissimo Domino Autori  
amicè gratulat.*

**Johann-Volk. Weßman**

D. & Præses,

